



Index: ASA 57/2833/2015

Relatóriu Estadu Timor-Leste nian tuir Konvensaun

Prezidente no Ilustre Membru Komite sira hotu,

Amnesty International no Judicial System Monitoring Programme (JSMP) kongratula oportunidade atu aprazenta ba Komite ONU nian kona-ba Eliminasan Diskriminasaun Kontra Feto (Komite) kona-ba feto no labarik sira atu asesu ba justisa, lia-loos no reperasaun iha postu konfliktu Timor-Leste ba violasaun ne'ebé komete durante okupasaun Indonesia iha Timor-Leste entre tinan 1975 no 1999 no referendu ba independensia (1999).

Iha momentu ne'ebá, violasaun direitu umanus boot oioin no krime sira tuir lei internasional kometidu kontra kontra feto no joven feto sira, inklui violasaun seksuál, eskravidaun seksual no forma violasaun seksuál sira seluk no halakon ema forsadamente, hosi membru forsa seguransa Indonesia no sira nia membru sira, inklui Timor-oan sira. Iha tentativa hosi ONU, autoridade Timorenze no Indonezia atu lori arguidu sira hosi krime tinan 1999 ba justisa lasuficiente no la iha membru forsa seguransa Indonezia ida mak julga ba krime violasaun seksuál no forma violasaun sira seluk.

Komisaun ba Akolamentu, Verdade no Rekonsiliaun iha Timor-Leste (CAVR) dokumenta violasaun kontra ema sivil sira, inklui kazu violasaun seksuál 853 ne'ebé barak liu kontra feto no joven feto sira. Entre rekomendasaun sira seluk, Komisaun apela atu estabese programa reparasaun ne'ebé tenke konsidera diferenzia ne'ebé iha ba feto ho mane ne'ebé afetadu hosi konfliktu. Komisaun bilateral Komisaun Amizade no Verdade (CTF) rekomenda 'programa kurativa ba sobrevivente' partikularmente ba sobrevivente sira hosi violasaun (seksuál) no krime violensia seksuál sira seluk. Mesmu nune'e, embora establesimentu ba mekanismu rua ne'e atu deskobre verdade kona-ba violasaun direitu umanus, Governu Timor-Leste no Indonezia barak liu falla atu implementa rekomendasaun barak hirak ne'e.

Lei rua kona-ba "Intitutu Memoria Públiku" no Programa Reparasaun Nasional seidaun debate didiak no aprova desde lei hirak ne'e tama ba meja Parlamentu iha tinan 2010. Hanesan akresenta iha Amnesty International ninia analiza kona-ba lei sira ne'e, lei rua ne'e rekere alterasaun signifikativu atu kumpri ho padraun lei direitu umanus internasional.

Ami nia organizaun preukupa kona-ba fallansu sira bebeik tantu hosi Timor-Leste no Indonezia atu fornese reparasaun kompletu no efetivu ba vitima sira no sira nia familia. Ami partikularmente preukupa kona-ba falta medidas reparasaun transformativa ne'ebé signifika katak diskriminasaun bazeandu-jenéri ne'ebé kontribui krime sira ne'ebé akontese iha pasadu sedauk hetan atensaun no kontribui mós ba kontinuasaun desigualdade sosial no eseperensia violensia ne'ebé boot ba feto no joven feto sira iha Timor-Leste ohin loraun.

Governu tenke foti entre medidas sira hanesan tuir-mai ne'e:

- Asegura katak sei la-ia impunidade ba krime kontra umanidade no violasaun direitu umanus sira seluk inklui violasaun seksuál, eskravidaun seksual no forma vilensia seksuál sira seluk ne'ebé kometidu durante tempu okupasaun Indoneziu (1975-1999) no iha referendum 1999;
- Implementa rekomendasaun sira hosi relatoriu Komisaun ba Akolamentu, Verdade no Rekonsiliaun (CAVR) no relatoriu Komisaun ba Verdade no Amizade (CTF) espesialmente ne'ebé relaciona ho feto no joven feto sira;

- Enkoraza Parlamentu Timor atu debate no promulga oportunidade inisiu esbosu lei rua atu fornese programa reparasaun nasional no “Institutu Memoria Publiku” tuir padraun lei internasional, inklui fornese programa reparasaun transformativa atu fo atensaun ba diskrimisaun no violensia kontra feto no joven feto sira.

Obrigado ba atensaun.